

Uunga siunnersuut:

Eqqumiitsuliornermik ingerlataqartut tamakkuninngalu siammarterisut pillugit

Inatsisartut inatsisaannut allannguutissatut siunnersuut

(Ataqqinninnermi tunniuttakkanik nersornaasiinermilu tunissummik

tapisiaqartitsisinnaanerup inatsisitigut tunngavissinneqarnissaa)

§ 1

Eqqumiitsuliornermik ingerlatsineq pillugu Inatsisartut inatsisaat nr. 11, 6. juni 2016-imeersoq Inatsisartut inatsisaat nr. 25, 28. november 2019-ikkut allanngortinneqartup tullinnguuttunik makkuninnga allannguutitaqarpoq:

1. § 8-p kingornanut ikkunneqassaaq:

”§ **8a.** Naalakkersuisut eqqumiitsuliortunut pinngorartitsisunut ataqqinninnermi tunniuttagaqarsinnaapput eqqumiitsuliornermik suliaqartunut eqqumiitsuliornermik suliaqartuni pingaaruteqartut inissisimasunut.

Imm. 2. Ataqqinninnermi tunniuttakkat taamaallaat tunniunneqarsinnaapput eqqumiitsuliornermi pilersitat pitsaassusaasa naliliiviginerisigut.

Imm. 3. Ataqqinninnermi tunniuttakkanik sisamanik ukiunik qulinik sivisussusilikkamik tunisisoqarsinnaavoq. Ataqqinninnermi tunniuttagaq atorneqarunnaaraangat ukiunik qulinik sivisussusilikkamik kingumut tunisisoqarsinnaangussaaq.

Imm. 4. Ataqqinninnermi tunniuttakkat pillugit Naalakkersuisut aalajangersaassapput ukunatigut, aalajangiinnermi tunngaviit pillugit aamma § 1, imm. 1-imi eqqumiitsulioriaatsit taaneqartut akornanni agguaaneq pillugu.”

§ 8b. Ataqqinninnermi tunniuttakkap annertussusaata tunngavittut aallaavigaa ukiumut 250.000 kr.

Imm. 2. Imm. 1-imi tunngavittut aallaavigisaq aningaasanut inatsisini tamani aaqqinneqartassaaq procenti aaqqiissutissaq procenti aaqqiissutissaq aamma maannakkorpiaq aningaasarsiat pillugit Inatsisartut inatsisaani aalajangersakkat naapertorlugit.

Imm. 3. Ataqqinninnermi tunniuttakkat isertitat naapertorlugit angissusilerneqartassapput.

Imm. 4. Ataqqinninnermi tunniuttakkat isertitat naapertorlugit angissusilerneqartarnissaat pillugit Naalakkersuisut malittarisassanik aalajangersaassapput.

§ 8c. Naalakkersuisut aningaasanut inatsimmi aningaasat annertussusissaannut sinaakkutissatut aalajangersarneqarsimasut naapertorlugit eqqumiitsuliortunik nersornaasiillutik tapiissuteqarsinnaapput.

Imm. 2. Eqqumiitsuliortunik nersornaasiilluni tapiissuteqarneq pillugu Naalakkersuisut malittarisassanik aalajangersaasinnaapput ukunatigut, aalajangiinnermi tunngaviit pillugit,

27. maj 2022

amerlassusaat pillugit aamma § 1, imm. 1-imi eqqumiitsulioriaatsit taaneqartut akornanni agguaneq pillugu.

§ 2

Inatsisartut inatsisaat atortuulerpoq ulloq 1. januar 2023.

Namminersorlutik Oqartussat, ulloq xx.xxx. 2022

Naalakkersuisut Siulittaasuat